



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

viii. De concessione præbendi & ecclesiæ non vacantis.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

& aliàs idoneos, vndecunque originem duxint, in illis, & maxumè in maiori instituunt.

Nullus verò in cuiusquam cleri ecclesiis vltra ^{4. Auctoritate.} quàm facultates earum sustinebunt clericis inuitis institutor.

Itaque nec in monasterio monachorum, clericorum, puellarumve amplius quam quot ^{1. Nò amplius.} se tolerare de bonis ecclesiæ absque penuria possent instituunt, suscipiuntor.

Postremò, qua in ecclesia certus ^{2. In eccle} canonicorum numerus institutus erit, si qui in eo laici erunt, ^{sia.} in canonicorum numero ne computantor. hic de personis idoneis subpletor. taleis, per quos deo in diuinis officiis per ecclesiasticos ordines congruè seruiatur, quæruntor.

De concessione præbendi & ecclesiæ non vacantis. Tit. 8.

Nulla ecclesiastica ministeria, seu beneficia, ^{2. Nulla.} nullæ ecclesiæ alicui antequam vacent ^{in prin.} conferuntor, promittuntor. Futuræ successiois expectatio in ecclesia dei ne esto.

Quinimo nec episcopus primum in ecclesia ^{11. Consti-} sua præbendum cum vacabit conferendi ^{tutus.} potestatem cuiquam dato.

Sed nec in quibus ecclesiis obtinet quis ius ^{16. Cum dā} patronatus de eis non vacantibus promissiones ^{lecta.} factas, donationesve earum in alienis manibus ^{13. Ex te-} punito. quod secus factum erit inritum esto.

Et si quæ charta super promissione huiusmodi confecta erit: nulla inde petitio esto.

De concess. præb. & eccl. non vac.

3. *Relatiu.* Immo & si qui promissiones huiusmodi præ-
tendentes adpellabunt: nihilominus ecclesiæ,
cùm vacabunt, de personis idoneis ordinantor.

1. *Qui in
vivorum.* Quod si qui nedum promissiones huiusmodi
exegerint, sed & se passi sint in viuorum sacer-
dotum loco positos successores ipsis adhiberent:
hoc ipso ab ecclesiastica communione pellun-
tor.

14. *Ac-
cedens.* Quæ omnia licet vera sint, episcopus tamen si
beneficii conlationem, cùm poterit, promiserit:
quibus casibus se facultas offeret, dum ne con-
latio in expectatione vacaturi beneficii differa-
tur, hoc implere cogitor.

4. *Propo-
suit.* Denique nec apostolici mandati exequutori
mandatarium de quo in aliqua ecclesia recipi-
do scribetur (licet ii quibus mandatum dirige-
tur contumaces erunt) de primo vacaturo præ-
bendo inuestire liceto. Et tamen si factum erit,
& primum postea vacans alii adsigna sint: prio-
ri cassata concessione illud sic vacans mandata-
rio rectè conceditor. Romano verò archiflami-
ni secundùm plenitudinem potestatis de iure
supra ius dispensare liceto.

8. *Cum su-
per.* Sed & qui in canonicum alicuius ecclesiæ re-
ceptus erit omnino præbendo ne careto. qui
recepti sint, quàm citò facultas se obtulerit, præ-
bendale beneficium eidem in ecclesia ipsa con-
ferunto, & quòd contra ius faxint ne allegan-
to.

2. *θεμα.
cum verò.* Quæ autem præbenda ecclesiastica, seu officia
in aliqua ecclesia vacabunt, diu in suspenso ne
manento. Intra sex menses personis quæ dignè
admini-

administrare valeant conferuntur. quod si episcopus, ubi ad eum spectabit, conferre distulerit: hoc per capitulum ordinator. si ad capitulum pertinebit, nec intra præscriptum terminum hoc faxit: episcopus cum religiosorum virorum consilio secundum deum hoc exequitor. si omneis negligēt: de his metropolitanus secundum deum absque illorum contradictione disponito.

Quod si ad alicuius ecclesiæ prælatum simul & capitulum præbendorum donatio pertinebit, & omnes intra statutum tempus negligentes fuerint: nec ab illo ad capitulum, nec ab hoc ad prælatum potestas conferendi deuoluitur. ad superiorem donatio transit. Si verò non ut prælatus, sed ut canonicus in capitulo ius habebit conferendi: secus esto. si tamen dolosè impediet: & hic dolus olli ne suffragator.

15. *Postulantis.*

Sanè hoc decretum ad archiepiscopatus episcopatusve ne extenditor. tantum ad alios personatus & minora ecclesiastica beneficia pertineto.

12. *Dilectus.*

Sed nec in quibus ecclesiis distincta præbenda non erunt, certusve canonicorum numerus, in his hæc deuolutio conlationum esto.

10. *Ex parte.*

Qui autem præbenda, dignitatesve ecclesiasticas, præter auctoritatem eius, ad cuius donationem spectabunt, acceperint, ad eas resignandas monitione præmissa per excommunicationis sententiam, & subtractionem aliorum beneficiorum compelluntur. Et si confirmationē a sede apo. sub forma communi habebunt: ea

5. *Quia diuersitatem*

○

De concess. præb. & eccl. non vac.

confirmatio beneficia, & præbenda tantum sicut iuste, & pacifice possidebuntur confirmato. Nisi qui hæc speciali sedis apo. mandato, propterve negligentiam prælati ab capitulo indepti erunt, hæc ita sunt. In negligentie autem tempore, si fors interim prælatus etiam culpa sua suspensus fuerit, si eius ergo ad sedem apo. accesserit, si apud illam manserit, ab illa repedauerit, hæc tempora ne computantur. Idem semestre tempus non à tempore vacationis præbendorum, sed à noticia prælati numerator.

6. *Cum no
stris.*

Quod si quis deuolutam definiti temporis lapsam ad apo. sedem beneficii donationem dixerit, & ut sibi conferatur mandari obtinuerit, si id tantum de iure vacasset alio id possidente, quod facti plus quam iuris habet: literarum per falsi suggestionem & veri subpressionem impetratarum fructu careto. beneficiu istuc olli ne assignator.

9. *Literas*

Si verò deuolutam cuius ecclesiastici beneficii ad sedem apo. donationem dixerit, & de eo vacante inuestiri se mandari obtinuerit, de facto tamen id non vacabit, sed de iure duntaxat, eius possessore aliud in eadem ecclesia pacifice adepto: qui mandati apo. exequutor erit, existetem in eiusdem possessione, quæ colorata non est, ut illud sine difficultate resignet, compellito. sic cum de facto vacabit mandatario conferto.

7. *Post electionem.*

Cum autem cuiquam ecclesiasticum beneficium primitus per eum qui potest concessum erit, quandiu institutio facta reprobata non erit, beneficium non vacans in alium ne transferretur. si quis in id prouehi consenserit: amouetur. tan-

tum si quis aduersus eum cui concessio primum facta erit quid obicere poterit, ordine iudiciario experitor.

Ne sede vacante aliquid innouetur. Tit. 9.

EPiscopali sede vacante de eius statu, & iure ^{1. Nouit.}
ne quid innouator, ne quid ipsi concessum mutator. cum de præsule ecclesia ordinata erit, tum demum qui quid aduersus eam petent ius suum prosequuntur.

Itaque quæ depositiones testium vacante ec- ^{3. Constitutis.}
clesia, & legitimo personarum numero carente receptorum in ecclesiæ causa habitæ erunt, reiciuntur.

Atque adeo capitulum vacante sede vice episcopi in præbendorum conlatione ne fungitor. ^{2. Illæ.}

De his quæ fiunt à Prælato sine consensu capituli. Tit. 10.

PRælati eiusque fratres vnum corpus fun- ^{4. Nouit.}
to. qui caput siet omiſſis membris aliorum consilio in ecclesiæ suæ negociis ne vtor. Abbates, abbatissas, aliàsve ecclesiasticas personas sine fratrum suorum consilio ne instituito, néve destituito. Quæ contrà factæ erunt institutiones & destitutiones infirmæ sunt.

In concessionibus, confirmationibus, & aliis ^{5. Quæto.}
ecclesiæ suæ negociis fratres suos requirito. cum eorum cōsilio saniorisve partis eadem peragito, pertractato. quæ sciscenda, statuenda erūt, sciscito, statuito, errata conrigo, euellēda dissipato, euellito, absētiū fratrum nomina iscribi ne sinito.